

禮記通解

禮記通解卷六

郝敬習

月令第六

秦呂不韋作呂氏春秋內月紀十二篇。首各有月令。漢興儒者采輯以備禮家言。篇內云大尉者猶秦官也。九月頒朔。十月爲來歲者猶秦曆也。其書成于秦而月之有令非自秦始。夏小正亦月令也。王者聽朔諸侯告朔其來已久。曰聽曰告其必有事非徒聽告月之朔而已。故蔡邕王肅以爲周公作然據所謂五帝五神祀五臟五味五臭明堂五位車服五色祭

祀五牲之類拘瑣迂僻。非聖人所以法天地順四時之大道也。易曰。法象莫大乎天地。變通莫大乎四時。懸象著明莫大乎日月。聖人非謂天地四時日月皆可以智力窮也。惟曰。於天地合德。於日月合明。於四時合序。曰德曰明曰序。聖人所以參三才之道者。如是而已。至於天之所以高。地之所以深。日月所以明。四時所以變。雖聖人有所不知。不能而聖人亦不求盡知之。盡能之也。是故羲和命而曆象正。使民知興作。璣衡在而七政齊。使君知休咎。律呂協而八音正。使後世知禮樂。聖人所以開物成務。盡人事而贊造。

化者不啻足矣。過此更穿鑿。如所謂五帝五官之爲
神明堂十二之爲居。六丁六甲之爲數。九道四遊之
爲占。靈耀覽嬉之爲書。窮幽極遠耳目所不見聞於
人。倫日用得之不加益。失之不加損。蓋三才不同量。
人雖睿聖不能以形併智力兼天地也。天職覆地職
載。日月職照。人職道德。聖人參三才。惟道與德。故曰
務民之義。敬鬼神而遠之。可謂智矣。凡篇內發政施
仁。布德行惠。先王所以律天奉時。至如五帝明堂之
類。隱怪傳會。吾無取焉爾。

孟春之月。日在營室。昏參中。旦尾中。其日甲乙。其帝大

皦其神句。芒亡其蟲鱗其音角。律中大簇其數八。其味酸其臭羶其祀戶。祭先脾。東風解凍蟄蟲始振魚上冰獺祭魚鴻鴈來。天子居青陽左个。乘鸞路駕倉龍載青旂衣青衣服倉王食麥與羊其器疏以達。

孟長也。春蠶也。孟春夏正之正月斗柄建寅寅引也。北斗七星居天中隨天西轉一日一夜轉一周而過一度。故正月建寅二月建卯以次而周也。日在營室者日月會于營室之次營室八星二十八宿之一。營室之次卽所謂娵訾之辰亥方也不言月言日者陽主陰也。昏暮也。旦早也。參七星尾九星中南方之中。

言正月內每日暮參星見于南中早則尾星見于南中必言南中者天體南下人君南面觀象便也其日甲乙者春木甲乙用事也天干有十陰陽迭用甲丙戊庚壬爲陽乙丁巳辛癸爲陰十日分麗五氣每氣兼陰陽甲乙爲木丙丁爲火戊巳爲土庚辛爲金壬癸爲水木旺于春火旺于夏土寄四時之末旺于中央金旺于秋水旺于冬甲孚甲乙軋也孚甲抽軋也丙炳也丁成也戊茂也巳起也庚更也辛新也壬姪也癸揆也帝者天之主神者帝之臣大皞句芒皆其號也舊說大皞卽伏羲伏羲以木德王句芒者木正

名重司春炎帝以火德王祝融者火正名黎司夏黃
帝以土德王后土名句龍司中央少皞以金德王蓐
收名該司秋高陽以水德王永正玄冥名熙司冬天
道以陰陽五氣造化萬物本無形象而人食德報功
卽以人之至者尸而祝之盡人之道以美報焉耳若
謂果有五帝五臣名號爵秩則誕矣蟲鱗鱗蟲龍蛇
之屬東方之宿爲蒼龍故其蟲爲鱗也音謂樂器之
聲單曰聲比曰音春時調樂以角爲主五音角屬木
清濁中如扣木之聲五音濁者爲尊清者爲卑尊者
數多卑者數少故五音始于黃鍾之宮其管九寸其

絃九九八十一絲其音最濁或損或益以生宮商角
徵羽爲五音宮三分去一六九五十四下生徵徵三
分益一八九七十二上生商商三分去一爲四十八
下生羽羽三分益一爲六十四上生角角三分之不
盡一算其數不行故至五止宮爲君商爲臣角爲民
徵爲事羽爲物尊卑之分也律者侯氣之管以銅爲
之或以竹中猶應也大族寅律管長八寸五音之管
陰陽各六陽爲律陰爲呂黃鐘大族姑洗蕤賓夷則
無射陽也大呂夾鐘仲呂林鐘南呂應鐘陰也律述
也呂助也陰所以助陽故呂亦謂之律爲管十二中

空皆圍九分其長短不齊各以三分損益相間而生
陰陽其管長九寸者爲黃鐘直十一月爲子黃鐘三
分損一長六寸下生林鐘直六月爲未林鐘三分益
一長八寸上生大蕤直正月爲寅大蕤三分損一長
五寸下生南呂直八月爲酉南呂三分益一長七寸
有餘上生姑洗直三月爲辰姑洗三分損一長四寸
有餘下生應鐘直十月爲亥應鐘三分益一長六寸
有餘上生蕤賓直五月爲午蕤賓三分益一長八寸
有餘上生大呂直十二月爲丑大呂三分損一長五
寸有餘下生夷則直七月爲申夷則三分益一長七

寸有餘上生夾鐘直二月爲卯夾鐘三分損一長四寸有餘下生無射直九月爲戌無射三分益一長六寸有餘上生仲呂直四月爲巳陽上陰下下生者損上生者益下五上六乃終以十二管置密室地上取蘆孚爲灰實其中其月氣至則其管灰飛是曰中也其數八者五行之數天三生木地八成之說見周易河圖酸木味洪範曰曲直作酸羶木氣表陽氣出故祀戶五祀一戶二竈三中霤四門五行祭先脾脾主土木能克土凡春祭用牲脾爲先也魚上冰陽氣方升魚自下起上負水也獺祭魚獺始捕魚而食古人

初食必祭故獺始食魚謂之祭魚鷹始食鳥謂之祭鳥豺始食獸謂之祭獸鴻鴈來自南來北也青與蒼皆木色青陽明堂東中堂也東動也南任也西遷也北背也明堂之制中央爲太廟太室週迴爲堂室者十有二以象十二月天子按月居之東中爲青陽太廟左爲青陽左个右爲青陽右个南中爲明堂太廟左爲明堂左个右爲明堂右个西中爲總章太廟左爲總章左个右爲總章右个北中爲玄堂太廟左爲玄堂左个右爲玄堂右个个古介通副也側室曰介鸞路有鈴之車駕駕車倉龍蒼色馬馬八尺以上曰

龍五穀惟麥春秀稱首種與木同氣鄭云麥有孚甲
屬木羊火畜天時尚寒故食以安性易象兌爲羊屬
金惟五行傳以爲火畜記謂二麥與羊肉性溫與其
器宜粗疏通達皆以順春陽發散之令也

是月也以立春先立春三日大史謁之天子曰某日立
春盛德在木天子乃齊傳平聲立春之日天子親帥三公

九卿諸侯大夫以迎春於東郊還旋反賞公卿諸侯大

夫於朝命相布德和令行慶施惠下及兆民慶賜遂行

毋有不當去聲乃命大史守典奉法司天日月星辰之行

宿離去聲不貸忒毋失經紀以初爲常

立春之日春氣至故迎之謁告也迎于東郊者祭大
皐句芒於郊也還自郊還反反于朝賞功曰慶周急
曰惠遂行戒虛文寢閣也毋不當戒濫予也大史掌
六典八法以貳六官一歲方始庶事維新故戒以守
典奉法勿紛更廢弛也大史之職正歲年以序事頒
于官府都鄙頒告朔于邦國其屬有馮相保章皆司
天文天日月星辰五者行各有常宿次舍也離附麗
也猶詩云月離于畢之離日月星辰皆麗天日循星
而進退月應日而生死所宿之辰所離之星審侯察
度不得差貸貸與忒同毋失常行之經與錯綜之紀

初謂推步之舊法所謂求其故也

是月也天子乃以元日祈穀于上帝乃擇元辰天子親
載耒耜措之于參保介之御間帥三公九卿諸侯大夫
躬耕帝籍天子三推退平聲三公五推卿諸侯九推反執
爵于大寢三公九卿諸侯大夫皆御命曰勞去聲酒

元日善日也郊特牲云郊用辛春秋公羊傳云正月
上辛故鄭氏謂元日爲上辛也祈穀郊祀祈豐年也
擇元辰郊後又擇吉日也耒耜耕器耜上曲木曰耒
前貫鐵起土曰耜措置也保護衛也或云猶衣也介
甲也詩云嗟嗟保介參三也車中三人王居左御者

居中。勇士護衛衣介者居右。故御與保介謂之參乘。
王將往耕籍田。以農器載于車中。保介御者之間也。
帝籍供祀上帝之籍田。籍借也。借民力耕獲也。大寢
路寢也。御侍宴也。勞慰勞也。

是月也。天氣下降。地氣上騰。天地和同。草木萌動。王命
布農事。命田舍東郊。皆脩封疆。審端徑術。善相_{去聲}_{去聲}。丘陵
阪_反險。原隰土地所宜。五穀所殖。以教道民。必躬親之。
田事既飭。先定準直。農乃不惑。

天降地升。二氣氤氲。化生萬物也。布農事。布勸農之
政也。命田。命農官也。舍東郊。出居于東郊也。審端徑

術辨正疆界也。徑術田間路也。曰術作遂小溝也。土高曰丘。平而可陵者曰陵。陂而不平者曰阪。坎而不通者曰險。廣平曰原。下濕曰隰。周禮大司徒五地十有二土。教民以種植所宜也。躬親戒田官親循行也。田事既飭。謂既正其經界。辨其土宜也。定準直著爲法程也。準直猶言準繩。

按善養民者省刑薄斂。時而使之民有暇日。各自盡力。南畝可無事上之督課也。苟不能安輯。使勤生樂業。而紛紛設官布令。雖田畯日舍東郊。擾之而已矣。是月也。命樂正入學習舞。乃脩祭典。命祀山林川澤。犧

牲母用牝禁止伐木母覆巢母殺孩蟲胎夭飛鳥母麋
母卵母聚大衆母置城郭掩骼格埋胔是月也不可以
稱兵稱兵必天殃兵戎不起不可從我始母變天之道
母絕地之理母亂人之紀

樂正以樂教國子正月入學習舞應發舒之氣也詳
見周禮大司樂之職脩祀典謂一年內當祭者皆於
歲始省錄之也山林川澤生物之府春生功顯故命
祀之凡犧牲皆不用牝亦尤恐傷妊也孩蟲稚蟲也
未生曰胎初生曰夭獸子曰麋勿聚大衆勿置城郭
恐妨農也人死枯骨曰骼連肉曰胔掩埋惡傷生氣

也。方生不可殺，故不稱兵。方生用殺，是變天道絕地
理亂人紀也。生生者，三才之始也。

孟春行夏令，則雨水不時，草木蚤落，國時有恐。行秋令，
則其民大疫，瘧風暴雨，總至。藜莠蓬蒿并興。行冬令，
則水潦為敗，雪霜大摯。至首種不入。

孟春行夏令，謂如正月行四月之令之類，餘倣此。凡
政令順時，則氣序調，違時則災害生。迴風曰叅，藜草
名，可爲帚。莠草，一名狗尾，摯，傷也。與藜通。首種，謂五
穀之早種者。或曰：稷也。或曰：麥也。

按王者奉天時，行四時之令，雖有先後，而通融調劑。

權時用中非舉一廢餘也若謂某時及某令則招某
災十二月各專一事而不相通政之拘于時廢閣者
多矣記言本踐盤鄭氏附會之謂孟月失令則孟月
之氣乘之仲月失令則仲月之氣乘之季月亦然如
孟春行夏令則已火爲災行秋令則申金爲災之類
猶洪範言五行五事休咎劉向輩緣飾牽強不驗人
主反謂天道不足畏由來矣夫人天地之心大君億
兆人之心人主行事乖天理億兆人受殃一人之咎
不足轉移天地億兆人悲喜欣戚天地之氣應之自
然之理也豈區區一時一事合一徵之謂與

仲春之月。日在奎。昏弧中。旦建星中。其日甲乙。其帝大
皞。其神句芒。其蟲鱗。其音角。律中夾鍾。其數八。其味酸。
其臭羶。其祀戶。祭先脾。始雨水。桃始華。倉庚鳴。鷹化爲
鳩。天子居青陽大廟。乘鸞路。駕倉龍。載青旂。衣青衣服。
倉王食麥與羊。其器疏以達。

仲中也。仲春二月。斗柄建卯。卯冒也。日在奎。與月會
于戌。降婁之次也。婁斂也。萬物至戌。降落收斂也。奎
十六星。在戌方。弧九星。近井。井八星也。建六星。近斗。
斗六星也。不言井斗而言弧建者。以井三十三度。斗
二十六度。廣遠不可的指。故舉弧建以定昏旦之中。

也。甲乙解見首。後倣此。夾鐘。卯律。說見前。夾助也。圓而空曰鐘。含藏之名。夾鐘。本陰呂。獨陽不生。夾助。四陽之鐘氣也。始雨水。凍始解也。倉庚。黃鳥。鳩。布穀。形類應。卽睢鳩也。夏小正謂二月化鳩。五月化鷹。皆時之候也。四時每五日一候。積六候成一月。故一歲七十二候。三候成一氣。六氣成一時。四時凡二十四氣也。青陽。大廟明堂之東中堂也。說見前。

是月也。安萌芽。養幼少。存諸孤。擇元日。命民社。命有司

省園

岑語

去桎

質

梏毋肆掠

畧

止獄訟

安萌芽。謂禁斧斤入山林也。社。一方土神。地非民所

得祭必上命之百姓以下成羣置社祭以仲春報生物也省視也圉圉獄也械在頸曰桎在足曰桎肆縱也掠笞箠也毋肆掠省刑也皆所以應陽和之氣順發生之心也

按郊特牲云社用甲日書召誥社用戊日此言擇元日不盡合也凡械在首曰桎易童牛之桎卽所謂福衡施于牛角者也書云牝牛馬蓋羈絡胃索之類控扼其首者也春秋傳樂轡以弓戲桎華弱亦謂桎其項也古人刑禁緩惟大辟拳其手而桎桎中罪桎桎而舒其手下罪桎其項而已鄭謂桎爲械在手謂桎

牛馬械其前兩足則何能畜養而教習之乎又解肆
謂死刑肆尸于市三日夫掠且戒況殺之而又肆之
乎皆誤也

是月也玄鳥至至之日以大牢祠于高禩梅天子親往
后妃帥九嬪御乃禮天子所御帶以弓韉獨授以弓矢
于高禩之前

禩先媒之神玄鳥燕也高辛帝之妃簡狄祀禩得祥
後世遂以高辛氏爲主曰高禩御猶侍也九嬪婦官
掌教九御者也天子所御謂侍寢于王者以禮待之
也韉弓衣也弓矢男子之事所以爲兆也

是月也。日夜分。雷乃發聲。始電蟄。蟄咸動。啓戶始出。先
雷三日。奮木鐸以令兆民曰。雷將發聲。有不戒其容止
者。生子不備。必有凶災。日夜分。則同度量。鈞衡石。角斗
甬。男正權概。蓋是月也。耕者少舍。乃脩閭扇。寢廟畢備。
毋作大事。以妨農之事。

日夜分。謂春分。晝夜各五十刻也。陽盛則晝長。陰盛
則夜長。陽生于子。終于午。至卯而中。陰生于午。終于
子。至酉而中。故仲春陽中。其節爲春分。仲秋陰中。其
節爲秋分。雷。陽氣之動也。電。陽光也。陽氣發洩。故蟄
伏之蟲皆動。開穴始出也。先雷三日。驚蟄前數日也。

奮木鐸振搖鐸聲以警衆也不戒容止謂房室之事
褻瀆天威生子則形體殘缺父母受凶禍也度謂分
寸尺丈引也量謂龠合升斗斛也鈞均也衡稱也百
二十斤爲石角較也十升爲斗十斗爲斛甬斛也權
秤錘也甬以平斗斛同均角正皆因日夜均而法天
時也耕首少舍謂耕田之暇門雙曰閭單曰扉前曰
廟後曰寢大事謂大興作妨農也脩閭扉者小事也
是月也毋竭川澤毋漉鹿陂池毋焚山林天子乃鮮羔
開冰先薦寢廟上下命樂正習舞釋菜天子乃帥三公
九卿諸侯大夫親往視之仲丁又命樂正入學習樂是

月也。祀不用犧牲，用圭璧、更、皮、幣。

漚，竭取也。鮮羔，謂生羔不殺以祭司寒之神。古者十二月日在北陸藏冰，二月日在西陸開冰，北陸虛也。西陸昴也。薦，薦冰也。先薦祖而後頒賜也。上丁是月上旬之丁日也。丁，當也。當祭日也。丁，成也。樂以教成也。或曰：丁，屬火，取文明也。樂正以樂舞教國子俊士于大學，設奠于先師，不用牲牢，奠菜而已。釋猶奠也。天子率羣臣親往視視，習舞也。仲丁是月中甸丁日也。習樂習歌吹也。是月之祀，卽前高禘啓冰釋菜等，不用犧牲，謂將勝合牝牡戒殺，但用圭璧加皮幣代。

牲耳。高禘之大牢。開冰之羔。皆犧牲。高禘所嗣。知不殺用圭玉以皮幣代而羔曰解。是亦不殺也。習舞釋菜。無犧牲。又明矣。

按祭不用犧牲。非古也。古者內外四時之祭。多以仲月。春秋傳云。啓蟄而郊。祭義云。春禘。郊禘大祭。可無犧牲乎。君子有搏節之愛。不廢制用之禮。犧牲不備。不可以祭。必仲春無祭。乃可。故月令以孟春郊而易。豫卦象曰。雷出地奮。豫。先王以作樂崇德。殷荐之上帝。以配祖考。則是郊禘在仲春。月令未足據也。

仲春行秋令。則其國大水。寒氣總至。寇戎來征。行冬令。

則陽氣不勝。麥乃不熟。民多相掠。行夏令。則國乃大旱。
暖氣早來。蟲螟爲害。

說見前

季春之月。日在胃。昏七星中。旦牽牛中。其日甲乙。其帝
大暉。其神句芒。其蟲鱗。其音角。律中姑洗。先上聲其數八。
其味酸。其臭羶。其祀戶。祭先脾。桐始華。田鼠化爲鴽。如
虹始見。萍始生。天子居青陽右个。乘鸞路。駕倉龍。載青
旂。衣青衣。服倉玉。食麥與羊。其器疏以達。

季。少也。季春三月。斗柄建辰辰。振也。日在胃。與月會
于酉。大梁之次也。胃三星。在西方。七星。其星七也。牽

牛六星姑洗辰律說見前姑初生也洗潔也鵠鵠
虹陰陽氣雜也雲薄漏日日照雨滴則生虹三月以
前陽氣正中陰莫能干至辰陽過中故陰氣亂之青
陽右个謂東堂之南偏也

是月也天子乃薦鞠衣于先帝命舟牧覆舟五覆五反
乃告舟備具于天子馬天子始乘舟薦鮪傳于寢廟乃
爲麥祈實是月也生氣方盛陽氣發泄句句者畢出萌
者盡達不可以內天子布德行惠命有司發倉廩賜貧
窮振乏絕開府庫出幣帛周天下勉諸侯聘名士禮賢
者是月也命司空曰時雨將降下水上騰循行國邑周

視原野脩利隄防道達溝瀆開通道路毋有障塞田獵
置罟罟羅網畢翳餒獸之藥毋出九門

鞠衣黃色之衣先帝大皞木德之君薦衣將祈蠶事
也舟牧主乘舟之官覆覆視也反報命也五者再三
之謂慎之至也天子將親往漁以薦祖廟故乘舟鮪
似鱣長鼻口在頷下無鱗大曰王鮪小曰鮪鮪所麥
實卽祈于廟也萌之屈者爲句直出曰萌不可內言
不宜閉藏也布德行惠以下至毋有障塞皆不內之
事脩利隄防謂脩治使通利無壅塞也獸罟曰置罟
鳥罟曰羅網畢小網有柄翳射者所自隱蔽也餒啗

漢之也藥毒藥九門者天子都城九衢闢九門通往來鳥獸在郊網羅出城門乃可施也禁之恐傷乎乳也

是月也命野虞毋伐桑柘鳴鳩拂其羽戴勝降于桑具曲植籩竹筐音后妃齊戒親東鄉躬桑禁婦女毋觀去聲省婦使以勸蠶事蠶事既登分繭稱絲效功以共郊廟之服毋有敢惰

野虞主山林之官鳴鳩卽雌鳩二月化三月鳴雌雄以羽相拂也戴勝卽鳴鳩一名鵯鵯首有冠如花勝故名戴勝詩云鳴鳩在桑其子七兮此鳥喜食桑葚

子成降于桑，蠶成之侯也。降，下巢也。鴈鳩孚于子，于鵲巢鵲巢喬木而桑苞生，故曰降。曲曲薄以布簠，植以架薄，遂作宮竹器。圓曰宮，方曰簠，皆以盛桑葉也。東卿迎生氣也。毋覲，毋容飾也。省婦使減省其箴線縫製之事，登成也。分繭，別繭之多少，稱絲，稱其輕重，以較功之上下也。

是月也，命工師，令百工審五庫之量，金、鐵、皮、革、筋、角、齒、羽、箭、幹、脂、膠、丹、漆，毋或不良。百工咸理，監工日號，毋悖于時。毋或作爲淫巧以蕩上心。是月之末，擇吉日，大合樂。天子乃帥三公、九卿、諸侯、大夫親往視之。是月也，乃

合累牛騰馬遊牝于牧犧牲駒犢舉書其數命國難
九門磔責攘以畢春氣

王師百工之長五庫藏材物之府稱五者以五材得
名也金鐵等材凡弓矢車甲器用皆資之監工卽工
師監視也號戒令也毋悖時如考工記弓人春液角
夏治筋秋合三材冬定體之類又云石有時以泐水
有時以凝材美功巧然而不良則不時也大合樂合
衆樂大作于國學也樂陽氣季春陽氣方長大作樂
以宣之累牛繫累之牛騰馬騰走之馬所謂風馬牛
也遊牝放之使求其牡也于牧于水草寬閒之所犧

牲可供祭祀之牲。小馬曰駒。小牛曰犢。皆就在牧之數。書記以稽出入較生息也。難。難通。逐也。國難。國中難。以驅逐陰氣。季春陽氣方盛。陰慝隱伏。聚衆喧闐。使陽氣充滿。陰氣銷亡也。四時惟夏不難。以陽盛無伏陰也。裂牲曰磔。除災曰攘。

按難見於論語。古鄉之流俗。非先王之典禮也。周禮方相之說。近誕。鄭氏謂日行昴有大陵。尸氣爲厲。尤不經。磔牲體徧懸九門。而以攘災。不殆于幻妄乎。

季春行冬令。則寒氣時發。草木皆肅。國有大恐。行夏令。則民多疾疫。時雨不降。山陵不收。行秋令。則天多沈陰。

淫雨蚤降，其章拜起。

山陵不收草木不成也。言山陵者，爲季夏土氣之應也。

孟夏之月，日在畢，昏翼中，旦婺女中，其日丙丁，其帝炎帝，其神祝融，其蟲羽，其音徵，律中中呂，其數七，其味苦，其臭焦，其祀竈，祭先肺，螻蟈鳴，蚯蚓出，王瓜生，苦菜秀，天子居明堂左个，乘朱路，駕赤駟，載赤旂，衣朱衣服，赤玉，食菽與雞，其器高以粗。

夏盛大也。孟夏四月，斗柄建巳巳巳也。日在畢，與月會于申，實沈之次也。翼二十二星，婺女四星，日丙丁。

者夏火丙丁用事也。炎帝大庭氏卽神農以火德王也。祝融火官。羽蟲飛鳥之屬。凡飛揚者屬火。徵音徵。輕屬火爲事中呂。巳律微陰中動。呂助陽氣。數七者地二生火。天七成之也。苦火味焦。火氣竈火以爲養。夏火長養百物也。肺主金火克也。螻蛄土狗似蟋蟀。螻蛄蚯蚓皆幽蟲。鳴且出。伏陰盡而陽極陰生之漸也。王瓜夏小正作王蒨。本草云。菹葵也。根似瓜。俗名土茯苓。苦菜味苦。四月秀。火氣之應。明堂南向左个偏左也。駟赤馬與朱旂赤玉皆應火色。菽大豆應夏氣之大也。雞當午鳴。其色丹。羽禽之屬陽者也。器用

高祖皆象夏也

是月也。以立夏。先立夏三日。大史謁之。天子曰。某日立夏。盛德在火。天子乃齊。立夏之日。天子親帥三公九卿大夫以迎夏於南郊。還反。行賞。封諸侯。慶賜遂行。無不欣說。乃命樂師習合禮樂。命大尉贊傑俊。遂賢良舉長大。行爵出祿。必當其位。是月也。繼長增高。母有壞墮。多上聲母起土功。母發大衆。母伐大樹。是月也。天子始絺。命野虞出行田原。爲天子勞農勸民。母或失時。命司徒循行縣鄙。命農勉作。母休于都。是月也。驅獸。母害五穀。母大田獵。農乃登麥。天子乃以銚嘗麥。先薦寢廟。是月也。

聚畜百藥。靡草死。麥秋至。斷薄刑。決小罪。出輕繫。蠶事畢。后妃獻繭。乃收繭稅。以桑爲均。貴賤長幼如一。以給郊廟之服。是月也。天子飲酎。紆用禮樂。孟夏行秋令。則苦雨數來。五穀不滋。四鄙入保。行冬令。則草木蚤枯。後乃大水敗其城郭。行春令。則蝗蟲爲災。暴風來格。秀草不實。

迎夏於南郊。祭炎帝祝融也。迎夏迎冬不言諸侯。諸侯獨春秋在耳。樂師習合禮樂爲將飲酎也。大尉秦官名。贊遂舉。皆薦揚意。傑俊言才。賢良言德。長大言形體。繼長增高。皆培植意。起土發衆。恐妨農蠶也。大

樹豐隆伐之傷盛長之氣也。絺葛之精者野虞外官位卑。故出行原野爲天子勞農。司徒內官專掌農政。故循行縣鄙以已命命農也。聚百藥供醫事也。孟夏百草繁廡可採藥。靡草草之細柔者陰氣所化陽勝故死。麥至夏枯。故夏爲麥秋薄刑可斷小罪可決無畱滯也。重罪繫者未可釋輕繫者出之順長養之氣也。后妃獻繭蠶事畢而世婦獻繭于后妃。后妃獻于王也。收繭稅外命婦養蠶亦取國北近郊之公桑十一而稅以受桑多寡爲繭稅之多寡也。貴賤謂公卿大夫與士之妻長幼謂婦有老少如一謂稅皆十一

也郊廟之服。天子之祭服。下至命婦養蠶。皆爲供祭服也。酎。稠也。酒之濃厚者。謂之酎。春造夏飲。羣臣蓋盛會也。故用禮樂四鄙入保之保。與堡通。鄙界小城曰堡。

按鄭康成謂祭統於嘗也。出田邑孟夏封諸侯。非古也。蓋以月令爲秦制耳。然安知祭統之爲古與。如以義質。夏出秋收。月令爲長大尉。秦官也。月令作于秦甚明。然其書以農桑爲本。無月不及農桑。卽詩書豳風無逸之意。秦人尚功。何暇及此。其非呂氏所獨創又明矣。

仲夏之月。日在東井。昏亢剛中。旦危中。其日丙丁。其帝炎帝。其神祝融。其蟲羽。其音徵。律中蕤賓。其數七。其味苦。其臭焦。其祀竈。祭先肺。小暑至。螳螂生。鴈易始鳴。反舌無聲。天子居明堂大廟。乘朱路。駕赤駟。載赤旂。衣朱衣。服赤玉。食菽與雞。其器高以粗。養壯佼。

仲夏五月。斗柄建午。午。萼也。日在東井。與月會于未。鶉首之次也。亢危二宿名。亢四星。危三星。蕤賓。午律。蕤。柔也。賓。謂陰柔始生。陽將謝。爲賓也。鴈。博勞也。反舌。蛙也。舌本前著。口側末向內。莫春鳴。至五月息。或曰。鳥之反覆多聲者。百舌也。明堂大廟。南向中堂也。

壯佼碩大美好也。養此類順長養之氣也。

是月也命樂師脩鞀

逃鞀

皮鼓

均琴瑟管簫執干戚戈

羽調竿笙箎

池

簧飭鐘磬祝敔

語

命有司為民祈祀山

川百源大雩帝用盛樂乃命百縣雩

于

祀百辟卿士有

益於民者以祈穀實農乃登黍是月也天子乃以雛嘗

黍羞以含桃先薦寢廟令民毋艾

刈

藍以染毋燒灰毋

暴

僕

布門閭毋閉關市毋索挺重囚益其食游牝別羣

則繫騰駒班馬政是月也日長至陰陽爭死生分君子

齊

齋

戒處必掩身毋躁止聲色毋或進薄滋味毋致和

去聲

節耆欲定心氣百官靜事毋刑以定晏

燕

陰之所成

鹿角解。蟬始鳴。半夏生。木董榮。是月也。毋用火南方。可以居高明。可以遠眺望。可以升山陵。可以處臺榭。仲夏行冬令。則電凍傷穀。道路不通。暴兵來至。行春令。則五穀晚熟。百勝特時起。其國乃饑。行秋令。則草木零落。果實早成。民殃於疫。

命樂師脩樂器。將雪祀也。樂屬陽。五月陰生。損陽。故脩也。鞀鞀以下十九物。皆樂器。鞀。鼗同。鼗者。導也。以導樂作也。鞀。裨也。小鼓在大鼓傍。助鼓節也。鼓謂之廓。冒之以皮。其中空廓也。三者皆革音。琴謂之離。五絃聲流離也。瑟謂之灑。二十七絃音布灑也。二者皆

絳音管長尺六孔有底併兩而吹簫之言肅編二十
二管長四寸二者皆竹音干盾也戚斧也戈鉤戟羽
鳥羽四者皆舞器竽言汚也其中汚空三十六簧或
曰十三簧笙謂之巢列管瓠中象物生出地也箎簾
同簾言啼長尺四寸三十一孔橫吹也簫言橫以銅
爲薄葉橫掩管端氣鼓之而成聲也竽笙箎三者皆
有簧皆竹音鐘言空也內空生聲金音磬言磬也磬
磬磬然石音祝狀如桶而方敵狀如伏虎祝起樂敵
節樂二者皆木音百源衆泉源雩郊祭禱雨雩言吁
巫作吁嗟聲而舞也用盛樂用上所脩諸樂帝天帝

百縣天子畿內邑諸侯不敢雩上帝故雩百辟卿士
之有益於民者卽句龍后稷之類祭本人道以人事
天推伏羲神農諸帝以爲天推句龍后稷諸臣以爲
神而達其誠也雞鵠之類五月雞成黍亦五月熟
可嘗也含桃櫻桃衆果唯含桃先熟藍似蓼者五月
將成可染青青木色木生火刈藍以染傷時氣之母
也火死爲灰陰象也女績爲布陰功也暴暴之日中
也一陰方萌毋暴陰功以助陰氣門閭毋閉開市勿
阻索亦恐助陰氣盛夏午火宜宣通尚寬大也挺猶
拔也益食加養也馬牛季春游牝于牧至是妊故別

其羣馬駒騰躍者繫繫之恐觸孕牝也馬陽物而陰性故易以象坤五月陰陽交故宜班馬政周禮校人掌馬政日長至謂夏至日長之極也陽盡于午中而微陰生陰陽爭辨之際陽爲生機陰爲殺機生死分判之界也在事物爲盛極而衰始在人心爲理終而欲萌故君子法天體道不可以不慎惟定靜澹泊爲可貴也致和謂滋味不極調和刑屬陰母刑亦恐助陰也晏安靜也陰道尚靜故云晏陰定其所成者聽其自來逆而助之必受其傷解脫落也鹿在山爲陽故角遇陰而落陽退之象麋在澤爲陰故角遇陽而

落陰退之象麋鹿之大者半夏藥草木董一名舜華榮華也朝開而暮落又名日及南方午位五月火方用而又用火于其方過烈矣微陰生于午逆天之氣也但居高明遠眺望升山陵處臺榭之類則宜耳樹臺上欄楯騰食苗蟲

按春秋傳云啓蟄而郊是仲春也而月令孟春又云龍見而雩是四月也而月令五月不盡合也夏至陰生安靜以定陰氣所以順造化之自然道莫大于自然心莫妙于清虛陽生固貴安靜以養其和陰生亦宜安靜以平其殺鄭氏据易緯云夏至人主從八能

之士作樂五日不宜止聲若是則陽宜恬養而陰不
宜定成豈靜正中和調燮之至理哉

季夏之月日在柳昏火中旦奎中其日丙丁其帝炎帝
其神祝融其蟲羽其音徵律中林鐘其數七其味苦其
臭焦其祀竈祭先肺溫風始至蟋蟀居壁鷹乃學習腐
草爲螢天子居明堂右个乘朱路駕赤駟載赤旂衣朱
衣服赤玉食菽與雞其器高以粗

季夏六月斗柄建未未昧也日在柳與月會于午鶉
火之次也火心宿三星奎十六星林鐘未律林象也
鐘聚也萬物盛聚也溫風熱氣至極也蟋蟀秋吟涼

風未至而秋蟲已居壁。鷹至秋華殺氣未肅而鷩鳥先學習。螢蟲有光腐草所化。

命漁師伐蛟取鼃登龜取鼈。命澤人納材葦。是月也。命四監大合百縣之秩芻以養犧牲。令民無不成出其力。以共皇天上帝。名山大川四方之神。以祠宗廟社稷之靈。以爲民祈福。是月也。命婦官染采黼黻文章。必以法故。句無或差貸。或黑黃蒼赤莫不質良。毋敢詐僞。以給郊廟祭祀之服。以爲旗章。以別貴賤等給之。度是月也。樹木方盛。乃命虞人入山行木。毋有斬伐。不可以興土功。不可以合諸侯。不可以起兵。動衆。毋舉大事。以搖養

氣毋發令而待以妨神農之事也。水潦盛昌，神農將持功舉大事，則有天殃。是月也，土潤溽暑，大雨時行，燒薶替行水利以殺草，如以熱湯可以糞田疇，可以美土疆。強上聲季夏行春令，則穀實鮮。仙洛國多風，欬民乃遷徙。行秋令，則丘隰水潦，禾稼不熟，乃多女災。行冬令，則風寒不時，鷹隼并蚤驚，四鄙入保。

漁師，漁人之長，命漁澤不言是月者，非止是月之事。自是月始耳。蛟爲患，故云伐龜有靈，故云登鼉皮可用。鼉肉可食，故云取周禮獻人秋獻龜材，鼉亦秋方可納。以是月命，非卽以是月取納之也。四監謂山虞

澤虞林衡川衡百縣之秩芻卽禹貢王畿甸服三百里內每歲所應納之常芻出力卽謂納芻婦官染人掌婦功也暑濕宜染采白黑爲黼黑青爲黻青赤爲文赤白爲章以四方之色相間爲四采也染造必循舊法依故事毋得參差貸變必正質善良勿敢詐僞亂真也旗謂旌旂周禮司常有九旗章者旗上物色如王建大常諸侯建旂各有等級也給作級不可興土功以土將用事其氣欲靜故不合諸侯不起兵動衆舉大事卽土功等事動搖長養之氣蓋季夏水土交坤將得位萬物致養故易曰致役乎坤勿搖養氣

言勿他役也發令而待謂未及徭役之期豫發徵召之令使民廢農事待上之期會也神農卽炎帝火德季夏土爰稼穡火資土爲神農之事水潦盛昌東井主水也六月建未爲土位遇水而澤得火而生故神農于此總持其功此時舉大事搖養氣則有天殃土潤溽暑謂上火交蒸爲濕暑也大雨時行東井之氣燒薶治田之法先芟薶其草乾則以火燒所薶沃以水則草無不死者暑氣方盛水如熱湯浸漬腐草可以糞田疇可以美土疆穀田曰田麻田曰疇土之磥礪堅強者曰土疆鮮落謂不黃早落也多風水氣

和音通解 卷二 三
女災謂妊孕敗也。火侵金逆土傷土損其母也。四鄙入保冬藏之象。

中央土其日戊巳其帝黃帝其神后土其蟲倮其音宮律中黃鐘之宮其數五其味甘其臭香其祀中霤祭先心天子居太廟太室乘大路駕黃駟載黃旒衣黃衣服黃玉食稷與牛其器圜以閔

五行分配四時各七十二日而土寄旺于四時各十八日合之亦七十二日也。土氣周行木火金水四時之末辰戌丑未爲土位而六月建未居一歲之中在金火之間故于此特揭中央土一令以備五行之序。

戊巳十干之中黃帝軒轅氏以土德王后土句龍或云句龍轉爲社祝融兼之卽黎也其說近誕倮蟲無羽毛鱗甲象火熱土煖也五音宮濁而最尊五行土濁而爲主故宮音屬土黃鐘之宮謂十二律各自爲五音迭相爲宮而黃鐘之宮最長聲最濁故黃鐘之管本應十一月而黃鐘之宮則以配中央土蓋土冠五行黃鐘之宮冠十二律之五音六十聲也但各月之律以管侯氣氣應聲亦應中央則直取聲之相應無此管也其數五謂天五生土地十成之不言十者天地之數盛于五圖書之中極于五也其中味香中

氣中雷舊說古人居陶穴上漏光明曰中雷故室中
曰雷喪禮浴于中雷其實非室中今人家四檐天井
中是也祭先心中也太廟太室明堂中央室也大
路鄭云殷路尚質也黃駟土火之兼色禋栗也牛土
畜器園象土周流四時閔寬廣也象土含容

孟秋之月日在翼昏建星中旦畢中其日庚辛其帝少
皞其神犛傳收其蟲毛其音商律中夷則其數九其味
辛其臭腥其祀門祭先肝涼風至白露降寒蟬鳴鷹乃
祭鳥用始行戮天子居總章左个乘戎路駕白駱載白
旂衣白衣服白王食麻與犬其器廉以深

秋擎斂也。孟秋七月斗柄建申申堅也日在翼與月會于巳鶉尾之次也建星見仲春畢宿八星其蟲毛氣涼而毛生也商音次宮爲臣金聲也夷則申律夷平也則法也氣爽災夷物成法則也其數九地四生金天九成之也辛金味腥金氣祀門陰氣斂自外入也祭先肝金克木也應祭鳥見孟春用始行戮人君始用刑戮順時令也總章左个明堂之西堂左側室也戎路兵車也白馬黑鬣曰駱白西方金色胡麻子色白犬黔喙之獸皆金象廉棧也深收藏意金氣革而秋意斂也

是月也以立秋先立秋三日大史謁之天子曰某日立
秋盛德在金天子乃齊立秋之日天子親帥三公九卿
諸侯大夫以迎秋於西郊還反賞軍帥武人於朝天子
乃命將帥選士厲兵簡練桀俊專任有功以征不義詰
誅暴慢以明好惡順彼遠方是月也命有司脩法制繕
囹圄具桎梏禁止姦慎罪邪務搏執命理瞻傷察創平聲
視折審斷句決獄訟必端平戮有罪嚴斷刑天地始肅
不可以瀛是月也農乃登穀天子嘗新先薦寢廟命百
官始收斂完隄坊謹壅塞以備水潦脩宮室垣牆垣
補城郭是月也毋以封諸侯立大官毋以割地行大使

出大幣孟秋行冬令則陰氣大勝介蟲敗穀戎兵乃來
行春令則其國乃旱陽氣復還五穀無實行夏令則國
多火災寒熱不節民多瘡疾

秋金主殺故賞將帥詰其戎順從也好惡明討當其
罪則遠人順從禁以止姦止非慢令愼以罪邪罪非
濫刑搏擊也執拘繫也理治獄之官審曲直曰理瞻
傷瞻視刑者之傷輕重得當也損皮曰傷損肉曰創
損骨曰折肉骨絕曰斷王制所謂斷者也傷至斷而
愈重瞻至審而加詳不得不刑者義也不可不審者
仁也端正也嚴畏敬也天地始肅秋氣收斂也羸盈

也。發越之意。陽常饒。陰常乏。饒則充。長乏則退藏。皆以相天地之宜也。登穀穀成熟也。命百官收斂。順秋令也。完隄坊以下。皆收斂之事。季春脩利隄防。使勿壅塞。順陽氣之舒也。孟秋完隄坊。謹壅塞。順陰氣之斂也。備水潦者。秋直畢。畢好雨。備隄坊。使完固也。毋封諸侯。立大官。毋割地。行使幣者。秋主刑。布德非時也。介蟲敗穀。如蟹食稻之類。

仲秋之月。日在角。昏牽牛中旦觜

茲觴

中其日庚辛

其帝少皞。其神蓐收。其蟲毛。其音商。律中南呂。其數九。其味辛。其臭腥。其祀門。祭先肝。盲萌風至。鴻鴈來。玄鳥

歸羣鳥養羞天子居總章太廟乘戎路駕白駱載白旂
衣白衣服白玉食麻與犬其器廉以深

仲秋八月斗柄建酉酉留也日在角與月會于辰壽
星之次也牽牛見季春觜觿三星南呂酉律南任也
呂助也陰任事助成物也盲風昏暗之風西闔戶之
月陰風晦昧春夏之風曰明庶曰清明曰景風陽明
之象此月之風曰閭闔陰閉之象盲風即閭闔風孟
春鴻鴈來來南也此月鴻鴈來來北也仲春玄鳥至
燕始出此月玄鳥歸燕蟄藏也鄭謂凡鳥隨陰陽者
不以中國爲居驗之惟鴈爲然玄鳥多藏谿谷中養

羞如庶羞之羞謂美食也養畜藏也草木實成羣鳥
取可食者積之以備冬也總章太廟西中堂戎路兵
車也

是月也養衰老授几杖行糜粥飲食乃命司服具飭衣
裳文繡有恆制有小大度有長短衣服有量必循其故
冠帶有常乃命有司申嚴百刑斬殺必當毋或枉撓開
枉撓不當反受其殃是月也乃命宰祝循行犧牲視全
具案多黍瞻肥瘠察物色必比類量大小視長短皆中
去聲度五者備當上帝其饗天子乃難那以達秋氣以大
嘗麻先薦寢廟是月也可以築城郭建都邑穿竇窖教

脩囷不倉乃命有司趣促民收斂務畜菜多積聚乃勸

種麥毋或失時其有失時行罪無疑是月也日夜分雷

始收聲蟄蟲坏培戶殺氣浸盛陽氣日衰水始涸鶴日

夜分則同度量平權衡正鈞石角斗勇是月也易關

市來商旅納貨賄以便民事四方來集遠鄉皆至則財

不匱上無乏用百事乃遂凡舉大事毋逆大數必順其

時慎因其類仲秋行春令則秋雨不降草木生榮國乃

有恐行夏令則其國乃旱蟄蟲不藏五穀復生行冬令

則風災數起收雷先行草木蚤死

陰盛陽微大爲秋而人爲老養衰老順天時也凡杖

糜粥飲食皆養事司服官名上曰衣下曰裳文繡謂
文彩刺繡鄭康成訓文爲畫謂祭服畫衣繡裳按尚
書作會宗彝謂畫器也附合周禮以爲畫衣恐未然
詳見尚書周禮秋涼授衣故命司服治衣服秋主刑
故命有司嚴百刑申重也嚴戒也秋嘗饗帝故命循
牲色純曰犧全具不殘缺也案按通察也草食曰芻
穀食曰豢物色謂毛色或騂或黝陽用騂陰用黝各
以類小大長短謂角體也五者一全二肥三色四大
中五長中上帝其饗羣神可知天子乃難惟天子行
之秋陰尚微天子陽主故儺以通秋氣不及國與天

下也詳見李春嘗麻食新麻也築城郭四者皆收藏之事穿地曰窖窖之圓者曰窖藏器曰倉倉之圓者曰囷勸種麥以濟新穀之不及也日夜分謂秋分晝夜各五十刻蟄蟲坏戶培其蟄穴之戶使漸小至十月寒甚乃瑾塞也水本氣化春夏氣至而潦秋冬氣反而涸國語云天根見而水涸則九月也晝夜均分則同度量衡與仲春同說見前易闢市勿阻難也關貨所入市貨所聚舉大事謂出師興工大數謂陰陽時謂四時賞因春生刑因秋殺皆類也行春令則秋雨不降風以散之也草木生榮木氣爲妖也風災殺

物之風朔氣也。收雷先行，不待日夜分，而雷先蟄陽氣閉藏也。

按此篇於刑獄三致意焉。秦人用法慘酷，宜無及此。故是書非呂氏獨創，多先聖彝訓而不韋之徒加補葺耳。凡禮書皆然也。嘗麻炊麻爲飯，詩云禾麻稷麥。麻與五穀同，而今人少有食者。苴麻有子，不可食。臬麻但可績無子，胡麻多油，然亦非饔飧之具。未知古人所食何麻，註不詳。

季秋之月，日在房，昏虛中，旦柳中。其日庚辛，其帝少皞，其神蓐收，其蟲毛，其音商。律中無射。亦其數九，其味辛。

其臯臙其祀門祭先肝鴻鴈來賓爵入大水爲蛤鴈鞠

有黃華

花

豺乃祭獸戮禽天子居總章右个乘戎路駕

白駱載白旂衣白衣服白玉食麻與犬其器廉以深

季秋九月斗柄建戌戌畢也日在房與月會于卯大

火之次也虛二星柳八星形垂如柳無射戌律射厭

也陽氣功畢無厭射也鴻鴈來賓言非久將去也杜

甫詩云秋燕已如客用此意爵雀通蛤蚌屬大水謂

江海鞠菊同菊有五色而黃爲正祭獸解見前禽者

鳥獸之總名戮搏食也

是月也申嚴號令命百官貴賤無不務內以會天地之

藏無有宜出。乃命冢宰農事備收。舉五穀之要。藏帝籍
之收於神倉。祇敬必飭。是月也。霜始降。則百工休。乃命
有司曰。寒氣總至。民力不堪。其皆入室。上丁命樂正入
學習吹。是月也。大饗帝。句嘗犧牲告備于天子。合諸
侯制。句百縣爲來歲受朔日。與諸侯所稅於民輕重之
法。貢職之數。以遠近土地所宜爲度。以給郊廟之事。無
有所私。是月也。天子乃教於田獵。以習五戎。班馬政。命
僕及七駟。咸駕載旌旒。授車以級。整設于屏外。司徒播
朴。北面誓之。天子乃厲飾執弓挾矢。以獵。命主祠祭禽
于四方。是月也。草木黃落。乃伐薪爲炭。蟄蟲咸俯。在內。

皆墮其戶乃趣_促獄刑毋留_{有罪}收祿秩之不當_句供
養之不宜者是月也天子乃以犬嘗稻先薦寢廟季秋
行夏令則其國大水冬藏殃敗民多魽_求噫_帝行冬令
則國多盜賊邊竟不寧土地分裂行春令則煖風來至
民氣解情師興不居

申嚴號令應肅氣也務內謂百務皆整飭收斂以合
天地閉藏之氣如有宣出則違時也冢宰掌財賦會
計五穀之要謂租稅之數也帝籍之收入於神倉供
粢盛者也百工匠作也霜降休工膠漆凝而不可用
也寒氣總至言大來也入學習吹將饗帝也季秋饗

帝于明堂報成物也。嘗秋祭宗廟也。犧牲告備謂仲秋已備。至此告于天子也。合諸侯制猶周禮正月之吉始和也。蓋來歲法制如下云。朔日稅貢之數也。諸侯通天下而言。百縣畿內之屬。縣百縣近親來受制。諸侯遠合制而頒之。不來也。朔日來歲十二月之朔日。九月而合制受朔者。秦法也。秦以十月建亥爲歲首。亥爲水。周火運。秦代周用克也。天子大獵以習戎兵。考馬政戎事。允馬故於田獵班之馬政。詳見周禮校人等職。五戎鄭謂弓矢戈矛戈戟要之兵。械何止五。凡古人言三五九之類。舉其槩耳。僕馭車之官。騶

養馬之官。析羽於旂竿之首曰旌。旗上畫龜蛇曰旐。車旗各有等級。各整設于軍門之屏外。習行陣也。司徒掌徒衆。主教事。摺扑。挿扑。帶間。以撻不聽者。北面陣南向也。誓告戒也。天子厲飭親被戎服也。命主祠命典祠之官也。祭禽四方以所獲之禽祭四方之神。蟄蟲咸俯。凍凝而縮其首也。在內。在穴中。墜戶。閉穴也。趣獄刑。謂獄之當刑者決之。勿淹滯也。祿秩供養之。浮濫者裁之。順秋氣之斂肅也。行夏令大水者。金受火而液也。冬藏殃敗者。土氣爲災。而竇窖之藏壞也。勦噓者。鼻塞噴涕肺病也。金受克之象。行冬令多

盜賊水爲金子得時則親失時則洩害也民氣懈惰春令不肅也師興不得安居風木之妖也

按是書一歲之內祭天帝者非一孟春祈穀仲夏大雩季秋大享季冬祈年四時迎氣于郊皆祀天也周禮又謂冬至郊則是一歲之中祀天者九不已數乎周禮正月之吉始和布治于邦國都鄙是書以九月合制古者以季冬頒朔今以季秋受朔九月農工未休十月冬序方始而遽改歲不已急于此秦制之不如古也

孟冬之月日在尾昏危中旦七星中其日壬癸其帝顓

項其神玄冥其蟲介其音羽律中應鍾其數六其味鹹其臭朽其祀行祭先賢聲^{辰上}水始冰地始凍雉入大水爲蜃虹藏不見天子居玄堂左个乘玄路駕鐵驪載玄旂衣黑衣服玄王食黍與彘其器閔以奄

冬終也孟冬十月斗柄建亥亥閔也日在尾與月會于寅析木之次也危見仲夏七星見季春其蟲介龜鼈之屬固閉之象也羽音最輕清爲物屬水應鍾亥律應當也言純陰當事百物鐘藏也其數六者天一生水地六成之水潤下故作鹹水受汙故氣朽行行潦亦謂之井古者井間有道道間有溝故曰井冬水

旺祀之腎屬水故祭先腎春夏秋祭先所勝則冬當
先心而既以屬中央故冬先其類也蜃大蛤虹詳季
春極陰無陽故虹藏不見鐵驪馬黑色玄黑光黍以
暑熟屬火冬食之養溫也雉性宜水易象坎爲豕應
冬令也閔者中寬奄者中藏器之口斂而腹大者冬
象也

按鄭註冬陰盛寒於水祀之於行從辟除之類意謂
水寒土煖土能辟水故祀之夫五祀戶竈中雷門皆
從其類天子亦以仲冬祀淵澤泉井冬水司令何爲
反辟除之此爲不解行卽井誤猜也又以輶當行輶

者行道之祭冬令閉藏是月謹關梁塞後徑又爲遠
行之祭乃所謂變天之道絕地之理亂人之紀者矣
是月也以立冬先立冬三日太史謁之天子曰某日立
冬盛德在水天子乃齊立冬之日天子親帥三公九卿
大夫以迎冬於北郊還反賞死事恤孤寡是月也命太
史翼龜策句占兆句審卦吉凶句是察阿黨句則罪無
有掩蔽是月也天子始裘命有司曰天氣上騰地氣下
降天地不通閉塞而成冬命百官謹蓋藏命有司循行
積聚無有不斂坏培城郭戒門閭脩鍵寒閉慎管籥固
封疆備邊竟完要塞謹關梁塞後徑飭喪紀辨衣裳審

棺槨之薄厚塋丘壟之大小高卑句厚薄之度貴賤之
等級是月也命工師效功陳祭器按度程毋或作爲淫
巧以蕩上心必功致爲上物勒工名以考其誠功有不
當必行其罪以窮其情是月也大飲烝天子乃祈來年
于天宗大割祠于公社及門閭臘先祖五祀勞農以休
息之天子乃命將帥講武習射御角力是月也乃命水
虞漁師收水泉池澤之賦毋或放侵削衆庶兆民以爲
天子取怨于下其有若此者行罪無赦孟冬行春令則
凍閉不密地氣上泄民多流亡行夏令則國多暴風方
冬不寒蟄蟲復出行秋令則雪霜不時小民時起土地

侵削

迎冬不言諸侯諸侯獨春秋在也實死事謂死國事者之妻子孤寡者順淒苦之令也周禮龜人上春釁龜秦制以孟冬爲歲首故釁龜筮示新也筮著策釁謂殺牲以血塗之卽祭而名釁者塞鬼神之罅隙也占兆者玩龜書之繇文審吉凶者明易卦之爻象皆所以肄其職業而待用也阿黨掩蔽皆閉藏之象獄吏無阿黨則罪犯無掩蔽矣蓋藏者掩蓋藏蓄府庫倉囷之屬循行積聚芻蕘粟米之屬鍵鎖牡也閉鎖牡也管籥啓鍵者也封疆以固內邊竟以備外也

塞要害衝塞之處。關。關門。梁。橋。梁。後徑。小路也。喪紀送死之禮。各有紀律。衣裳襲斂之衣裳。飭正也。塋。墓位也。丘。塋墳也。周。廻曰塋。高起曰丘。塋。塋有大小。丘。塋有高卑。厚薄以禮言。貴賤以人言。蓋冬者。時之終。送死者。人道之終。於此時審辨。順閉藏之令也。百工制器。冬官之事。效呈也。霜降。休工。器物已成。至是呈見也。陳祭器。器以祭爲先也。按。驗也。程式也。勿爲淫巧。此季春所命工師者。至是陳器。按之也。功致。猶攻緻。勸工人之名于器。便稽考也。冬祭曰烝。烝。衆也。百物衆而禮備。遂因祭而大飲羣臣也。豳風十月滌場。

朋酒斯饗。躋彼公堂。稱彼兕觥。十月大飲。古禮也。祈
來年于天宗。亦郊祭也。天宗。天神尊者。日月星辰之
類。大割多殺牲也。祠。祀也。社。秩配上公。故云。公社。門
閭。亦神也。臘。言獵也。歲終。獵禽獸祭先祖及五祀之
神。曰臘。夏正以丑月爲歲終。其祭爲清祀。殷以子月
爲歲終。其祭爲嘉平。周以亥月爲歲終。其祭爲蜡。秦
以酉月爲歲終。其祭爲臘。九月非冬。不可臘。故于歲
首之月祭也。勞農。卽周禮黨正屬民飲酒也。命將講
武。順栗烈之令也。周禮仲冬。乃大閱。收水泉池澤之
利。冬水涸也。行秋令。則霜雪不時。金氣所收也。小其

金災也土地侵削攀斂之徵也

按孟冬之月命工師效功陳器勑名考其誠罪其不當以窮其情卽周禮考工之意司空所以爲冬官也蓋程物莫平于水故命水虞收水利亦以冬月歲終考工蓋古之制讀月令知周禮非缺也

仲冬之月日在斗昏東辟壁中旦軫中其日壬癸其帝

顓頊其神玄冥其蟲介其音羽律中黃鐘其數六其味

鹹其臭朽其祀行祭先賢冰益壯地始圻策鳴鳴旦不

鳴虎始交天子居玄堂太廟乘玄路駕鐵驪載玄旂衣
黑衣服玄玉食黍與彘其器閔以菴

仲冬十一月斗柄建子子者孳也日在斗與月會于
五星紀之次也斗六星辟作壁二星軫五星黃鐘子
律黃中色鐘種也元氣種聚也地始坼凍裂爲坼也
鷄旦夜鳴求旦之鳥陰求陽也陽將生故不鳴虎金
屬陰物陽生乃交構

飭死事命有司曰土事毋作慎毋發蓋毋發室屋及起
大衆以固而閉地氣沮泄是謂發天地之房諸蟄則死
民必疾疫又隨以喪命之曰暢月是月也命奄尹申宮
令審門閭謹房室必重閉省婦事毋得淫雖有貴戚近
習毋有不禁乃命大酋秋秫述稻必齊麴蘖必時湛失

熾

聲去

必潔水泉必香陶器必良火齊聲去必得兼用六

物大酋監之母有差貸天子命有司祈祀四海大川名
源淵澤井泉是月也農有不收藏積聚者馬牛畜獸有
放佚者取之不詰山林藪澤有能取蔬食田獵禽獸者
野虞教道之其有相侵奪者罪之不赦是月也日短至
陰陽爭諸生蕩君子齊戒處必掩身身欲寧去聲色禁
者慾安形性事欲靜以待陰陽之所定芸始生荔挺出
蚯蚓結麋角解水泉動日短至則伐木取竹箭是月也
可以罷官之無事去器之無用者塗闕廷門閭築圉圉
此以助天地之閉藏也仲冬行夏令則其國乃旱氛霧

冥冥雷乃發聲行秋令則天時雨汁瓜瓠不成國有大
兵行春令則蝗蟲爲敗水泉咸竭民多疥癘

類

飭死事備死葬之事前月申其紀而此則治其事仲
冬葬埋順時之藏也十月陰極故可興作此月陽氣
將動固閉勿泄故戒作土事卽春秋傳所謂水昏正
而栽日至而畢也沮泄滲漏也發啓也房猶藏也天
地閉而人沮泄之必有天死疾疫之凶則是以閉藏
之時爲宣暢之月如春夏也反其所令故命曰暢奄
尹奄人之長省婦事減省婦職女功及幸御一切內
官之事淫謂奢侈多事也婦官多貴戚故舉以例餘

不禁男子禁婦人陰極而靜順其將化也大酋酒官
古人酒冬造春嘗詩云十月穫稻爲此春酒是也秫
稷之粘者麴乾麴蘖麥芽皆以釀酒湛漬米煨炊也
水香言潔也陶器瓦器良無罅漏也火齊得生熟中
節也命祭川海泉源冬令方中水德正盛爲民報祈
也嚴冬寂莫收藏宜謹故孟冬命百官謹蓋藏又命
司徒循行積聚至是猶有慢藏放失者此不率之民
不爲之追究也山林木落藪澤水涸與民同利導之
使採捕治之使不爭蔬食草蔬可食者日短至冬至
日短之至也陰陽爭陰盡于子中而微陽生二氣爭

辨之際也。諸生蕩謂萬物生機初回。水氣方盛。微陽未定。故有陽動之象。是以君子貴齊戒恬澹休養。以待陰陽之定。蓋聖人雖尊陽而不能引使速來。雖惡陰而不能推使速去。故于變化之交。寧靜俟之而已。芸荔挺皆香草。凡草氣香者爲陽。蚯蚓結謂方蟄遇陽動。屈如結也。麋角解詳見仲夏。水泉地脉天一所生。感一陽而微動也。日短至則陰老而生氣歇。材質堅定于時可以伐木。取竹箭竹之小如矢者曰箭。故俗謂矢爲箭。罷無用之官。去無用之器者皆惜日除閒之意。塗闕廷謂抹補之。周禮二十五家爲閭閻巷。

口門築圉圉脩獄牆也皆閉藏之事仲冬行春令而歲旱者秦仲冬卽新歲也雨汁雨雪祿下金液之氣也瓜瓠秋成金氣先洩秋不成也行春令水泉竭木氣洩也多疥癩發生之咎也

按先王之制農隙用民故詩定中作楚室十月執宮功夫非發室屋與孟子云十一月成徒杠十二月成與梁夫非土事與必仲冬勿作則公家何時可役民凡禮家言不必盡合非獨月令耳周禮雖非周公作而奄人一役最盡制卿大夫至庶人在官者不下七萬有奇而用奄止四十七人未有爲官長者宮禁之

事掌之內宰宮伯皆大夫士爲之統于冢宰故先王之世宮府如一。是書以奄爲尹申宮令審門禁內宮婦事至貴戚近習無有不禁則奄尹之權不已重與此秦作法之敝趙高所以專制也。商長卽大長秋漢以後與中常侍權傾中外陵逼天子流毒縉紳不可謂非月令爲濫觴讀者槩以爲先王之禮誤後世多矣

季冬之月日在婺女昏婁中旦氐低中其日壬癸其帝顓頊其神玄冥其蟲介其音羽律中大呂其數六其味鹹其臭朽其祀行祭先賢鴈北鄉向鵲始巢雉雊雞乳

示言文解 卷二
天子居玄堂右个。乘玄路。駕鐵驪。載玄旂。衣黑衣服。玄玉。食黍與苽。其器閔以奄。

季冬十二月。斗柄建丑。丑。紐也。日在婺女。與月會于子。玄枵之次也。婺女。見孟夏。婁三星。氏四星。大呂。丑律。大陽也。呂。助也。陰助陽也。鴈北鄉。陽生于子。隨陽復也。鵲巢。雉鳴。雞乳。皆立春之候。

命有司大雩。雩。那。旁磔。貢。出土牛。以送寒氣。征鳥厲疾。乃畢山川之祀。及帝之大臣。天之神祇。其。是月也。命漁師始漁。天子親往。乃嘗魚。先薦寢廟。冰方盛。水澤腹堅。命取冰。冰以入。令告民出五種。命農計耦耕事。脩耒耜具。

田器命樂師大合吹而罷乃命四監收秩薪柴以共郊
廟及百祀之薪燎是月也日窮于次月窮于紀星回于
天數將幾終歲且更始專而農民毋有所使天子乃與
公卿大夫共飭國典論時令以待來歲之宜乃命太史
次諸侯之列賦之犧牲以共皇天上帝社稷之饗乃命
同姓之邦共寢廟之芻豢命宰歷卿大夫至于庶民土
田之數而賦犧牲以共山林名川之祀凡在天下九州
之民者無不咸獻其力以共皇天上帝社稷寢廟山林
名川之祀季冬行秋令則白露蚤降介蟲爲妖四鄙入
保行春令則胎夭多傷國多固疾命之曰逆行夏令則

水潦敗國時雪不降冰凍消釋

命有司大雩下及庶民皆雩也季冬二陽生陰氣方盛故使民間大雩逐陰氣也旁磔殺牲徧裂之季春雩惟國都九門磔禳今旁及四方也出土牛以土爲牛出送寒氣季冬水司令月建丑丑爲土而牛爲丑獸土勝水故土牛能送寒氣牛善耕冬藏未可出出土牛亦以示耕事將始也征鳥鷹隼之屬善追擊故曰征厲疾猶言猛迅帝之大臣五帝之佐句芒等官天之神祇日月星之類歲功成畢祀以報也漁天子親往爲薦祖廟也先薦薦而後嘗也水澤腹堅冰凍

徹底也鑿冰以破陰氣之錮塞藏之土以和陽氣之在下至陽盛又發之以濟盛陽之驕亢也冰以入明陰事之一終也五種五穀之種大寒將退教民出所藏之種計度耦耕之事耒耜以啓土田器種作之器大合吹盛作樂也罷今歲不復作也鄭氏謂季冬爲酒以合三族于此時也四監主山林川澤之官秩薪柴常數當供之薪柴薪用爨燎用明也日窮于次十二辰一周也月窮于紀與日十二會亦一周也是星回于天二十八宿隨天每日一周早晚不同至此月皆復其故處與去歲季冬早晚相似也歲終近終也以

月言。故曰近終盡日而後謂之正終也。終言幾始言。且循環無息之義。國有常典。時有常令。而來歲或變。差故天子與公卿大夫共飭論之。以待來歲之宜。周禮謂正月之吉始和。亦此意也。古人歲事莫大于祭。祭天地社稷之犧牲。賦于諸侯。以國大小爲差。大史序之。宗廟之芻豢。取于同姓之邦。天子自命之。山林名川之犧牲。取諸卿大夫及庶民之有土田者。宰歷數之。皆于此月。所謂合天下九州之民力以供天地宗廟山川之祭也。介蟲爲妖。兵甲之兆。秋金爲祟也。固疾謂舊疾瘳而復作。象歲終復始。故名曰逆。